

清代宦臺人文獻選編 第一種

釣璜堂存稿

(五)

徐孚遠 撰

卷十六

釣璜堂存稿卷十六

懷舊樓叢書

華亭徐孚遠闇公父著

孫男懷瀚謹錄

五言排律

元日恭設聖像抒懷二十韻

伊昔戎曾亂廓除運聖謨堯封還劍佩禹甸易屠麻非虎
歸縑勒神羊入畫圖百王鈞大匠累葉鑄洪鑪戎索邊圉
靖共球體勢殊拚飛仍小醜不御失嚴誅浹見三京墮相
看九服汗殿廷圉封豕圍樹穴黠驕暫爾冠裳改俄焉歲
月徂敗轅何自正淪鼎待誰扶已報星侵昴緣知斗轉樞
瀟湘浮巨艦巴蜀擁瑯戈真主重于狩諸公且會塗縱橫

皆漢隸宰割豈胡雛五餌如能試千羣可再驅微臣叨拂
擢數載落江湖避世空梅福抒忠愧甯俞安心栽薜荔無
力倚昆鍬涕淚瞻龍袞吁嗟望日烏煌煌垂統業返轡在
東隅

呈閣學曾二雲先生四十韻

斗杓頻充位蒼生仰大賢豫章原市地星宿擬支天柱極
三山正文昌六相懸容成應入畫元凱自隨肩冀北餘氛
禊閩南卜澗瀼濟川思作楫徵夢起于畋秉鉉羣才秩陳
疇帝道平人謀非契闊國步尙迍邐襄野初迷聖汾陽迥
得仙執羈嗟莫逮攀鼎更何緣無計邀青鳥惟聞泣杜鵑

空回廣武轍難著祖生鞭咫尺蓬壺近蒼茫島嶼連蕭齋
惟几杖盡室待糜餽注易同巖叟扶衰恃僥倖共和終記
臘建武已書年豹尾儀仍樹桑枝旭又縣琪球猶伴奭綸
綍最蟬緜風牧還承蓋伶倫再撫絃卓侯歸世祖吉甫事
周宣一德風雲合從繩琬琰傳聽歌求甯越游墅卻苻堅
芝葆方來粵星精直指燕園陵新薦酎臺閣舊淩煙紫塞
飛驃騎王庭失控弦佇看調玉燭豈直掃腥羶馭俗蟻封
逸推忠嚮室專登門聲價重出穴羽毛鮮共指桃溪遂非
無蹇足驚南州一孺子西蜀兩雲淵投袂傷王室吹簫近
日邊窮途聊解褐薄植荷陶甄青瑣虛趨掖蒼波只叩舷

山薇堪抵粟榆莢豈成錢寸板蛟龍狎回潮霧雨纏微軀
寧足惜吾道固宜然尙想餘生在得歸君子前庾樓時坐
對謝屐屢周旋展辯容堅白沈思聽草玄觀奇東閣下還
擬賦居延

祀天妃有述

是日神初降公私禋薦并百靈奔道力二祖錫崇名泛舶
滄溟外浮槎河漢平牛沈必有答龍繞故無驚海國迎星
使懸崖飾佩纓閣宮千古祀大壑一時更天意何須問孤
臣判此生還祈扶日馭相爲翦長鯨

懷如愚上人

昔歲來方丈蕭然水一灣籬邊野草蔓月下廣庭閒似解
亡人意欲將天步攀煖湯濯蹇足花雨破愁顏被自禪牀
與粥從法施頌依依相送出問我幾時還

述往四十韻

閩嶠遐州境土風禹甸殊蟄蟲常出地霜氣不侵膚芳卉
沿溪發鯢鮪入饌腴稻稭多早熟阡陌少泥塗荒鬼邀巫
覲非時致臘腹異方來赤仄高價搏青蚨墮髻鬢如馬褭
頭布總朱象犀南販粵舟楫北通吳官僻無鞅掌人稠足
宴娛自從開帝里倉卒起皇圖魯廟奚斯作漢儀稷嗣須
周閭陛下設郎將殿中呼超等列諸貴除書借老儒諮詢

延草澤節儉惜襜褕赫赫乘芝蓋凶凶授璽符不徒修寢
廟還欲奪穹廬明詔欣扶杖微軀擬荷戈連章達總觀衣
褐待宸諏大府簡僚切神州化瑟廷秩微兼侍直漏永迫
朝餉黽勉玉墀步蕭條石室謨先庚徒反汗呼癸更輸租
安國悲梁急包胥泣楚紆橫戈必仗鉞入粟且飛鳧內政
紛何紀嚴關歛可踰上公初制閫下走濫吹竽張暢當筵
議辛毗握節趨分司奏請得左掖聖恩濡省闈幾時踐樓
船實暫俱滄溟猶未涉甌海況成俘止壁鼉鼉雜揚旌島
嶼孤高牙方默默束帶但區區再有三山亂還聞八駿徂
蒼黃飭反旆涕淚戒前驅降帥輸宗社羣公恃舳艫髡頭

終負國折齒不爲奴實恐伏隆禍兼憂蘇武拘脫身謀眾
翼汔濟勾神扶不與歸平仲如愚學甯俞倘能浮渤海卽
誓餌雕胡

賦呈張宮傳

王室今中葉明公作濟川精英推嶽降姓字本天連冰雪
神姿異瑚璉廟器傳夔龍懽接迹丙魏惡前賢執法秋風
爽爲霖夏潦平袞衣臨海國竹馬導前輶時雨嬌花蕊皇
仁扇蜿蜒星周方化洽帝醉屢妖纏於越燒丹穴蠶叢哭
杜鵑六駢迎代邸二伯奉周宣已睹新鐘虞還期卜澗瀍
應時紆繡斧崇讓卻貂蟬晉陟豕司重兼銜亞相專封章

逾諤諤賁士實戔戔閭闔辰初正旄頭光尙懸赤心扶有
道黃髮誨無愆不謂君恩替其如內政牽晏嬰尊主術甯
氏擅朝權鷹爪森然搏葵心終自憐每揮周顓淚欲著祖
生鞭推轂緣人望秉麾答上玄嫌疑成市虎謠詠毀芳荃
斗杓占仍耀王鈇寄更堅蒼茫坤軸折狼狽玉輿遷竊國
謀真巧燃臍算又偏乘桴當此日肥遯幾何年必擬追風
后無勞問偃佺愚生通籍忝夫子薦書駢謝墅陪游切庾
樓清賞延尙能安縱壑直欲看淩煙

賦呈朱館卿四十韻

奉常王國珍壯歲躍天衢涉筆珠璣落觀書有饌腴人倫

推華嶽襟度視冰壺鳳舉雲司逸鵬騫文部須王裴清簡
共顏謝笑嘖殊門峻無裁棘衣單得敝襦諸公深豫附我
道豈沾濡沈約郊居穩羅含卜宅紆樹梧凝月露穿沼長
雕胡一臥冠纓晚屢耽松桂徂自天傾北極害氣復南驅
建業龍蟠杳華亭鶴唳孤衣冠皆惴惴君子獨區區有志
剗豺虎無心問臘腹乘桴將赴闕間道重攜孥牢落永嘉
樹周流山海圖空囊給夕吹躡屨詣行都入國愁仍切憂
時涕更俱衢尊方獨酌甲觀貯訐謨批答勞宸翰權衡藉
斗樞前朝旣板蕩仕籍尙榛蕪年格徵文得除書據案劬
美裘非一腋巨構必千株蔡廓矜難奪山公歎不吁青蠅

徒失氣白賁自成孚讜議常尊主開懷閔卒瘁羯胡終繫
組雄帥授王鈇明命中司馬軍諮仰大巫飲冰兼枕戟握
節且彎弧冒頓摧強勢中行不久逋忽傳翠輦出再見虜
塵汙元慙輸宗祏回師佇舳艫竟無曹沫劍幾睨伍胥臚
幸脫如罹雉常浮狎水鳧伊余忝後進服術愧洪儒粹敬
陪簪冕髫年侍舞雩咨嗟傷繭足祓濯起泥塗聯省參華
秩同盟逮小邾止期安薜荔佇看錫彤旌黃閣真堪老蒼
生幸再蘇

贈周平海二十韻

試問將頽社何人肯柱天元戎獨驍裏一劍靖烽煙鯨吸

滄溟震鼉連地軸平建牙英概遠授鉞主恩駢突騎鳴笳
迫嚴關棄甲旋狐疑多跼促鶴立自騰鶩高議悲遺老貞
心貫九泉力爭留漢佩不盡染胡羶馬服深堅壁龍驤廣
造船登壇揮雪涕犒士翦花鈿部曲推黃蓋軍諮倚鄭玄
春潮下瀨疾秋隼脫鞬便寂寂旄頭墮暉暉玉帳宣舳艫
浮建業旌旆指幽燕頒土河山誓和戎二八懸帛靡久契
關方召實縣延余亦乘桴客公懷同病憐時裁王粲賦莫
贈繞朝鞭征虜投壺數伏波紆組紉鮮倘仍持使節擬看過
居延

安海變後擬作桑門避迹未果

未解安心法聊爲避世謀茫茫非淨土惘惘是虛舟結社
遠公待遺經劉勰按卽登初地穩擬向四天浮已歎柳生
肘猶矜霜滿頭空王終寂寞榛路久淹留願假乘風翼翩
然覓故丘

懷麗冲姪

吾姪才堪歎夏公與汝名沈冥研物象恢豁視羣英弱弄
必柔翰長吟鄙滿羸當風蘭氣發脫臂駿毛輕已展趨庭
禮還陪竹下盟阿咸清賞絕老子勝游并辨鼠三冬足割
牛四座驚時時簪冕集往往貝珠傾壯歲無先覺休文愧
後生所欣階樹好差慰暮年情胡馬浮江至孤身躡屨行

望雲常戚戚顧影倍熒熒暫覺鬢眉在終虞塋域平臧孫
宜祀魯椒舉尙存荆展齒何由折雁書不記程幸能修伏
臘準與寄宗祊

懷瀚承祧豈非詩識哉豈非前知哉是時瀚尙未生也

呈蔣八公相公

礪鈞來南紀台光仰北辰凌雲瞻具構大治待洪鈞秦府
收書富漢宮入畫真廣庭錙玉磬法廐得騏驎下走觀光
晚虛懷接席親一揮王氏塵屢斲匠人輪述史驚班固論
文許邳詵天衢方契闊榛路更逡巡緬想江南樂還辭帝
里春自從歸華戶何日到平津胡馬塵粉社神龍出海濱
披榛開甸服祀夏奏明禋國難思元老民依賴寶臣崑崙

重作柱臺閣再延賓王粲仍投楚張良擬報秦敝裘旅館
夕重繭上書晨青眼招攜切白頭慰藉頻亨途收捷足常
調不謀身負擔已弛苦折腰安復論佇觀錫土後方誦勒
銘新

傷蔡季直

傷君懷壯志夙昔著恢奇翰墨矜人絕韜鈴自得師青雲
仍偃蹇白髮坐差池杖劍輕千里開懷誦五噫良朋或契
闊大節豈磷淄不肯隨胡服猶思睹漢儀結交通俠少畫
策待熊羆郡吏修降表邦人憚直詞陳餘方撻市班固亦
長羈歎息秋風早吁嗟明月姿伊余初道路聞訃重漣洏